



SURUHANJAYA PILIHAN RAYA MALAYSIA

## KENYATAAN MEDIA

**Bil. 28 / 2022**

### **URUSAN PILIHAN RAYA UMUM KE-15 (PRU KE-15) DAN PILIHAN RAYA KECIL DEWAN UNDANGAN NEGERI (PRK DUN) N.66 BUGAYA, SABAH**

1. Suruhanjaya Pilihan Raya Malaysia (SPR) telah menerima pemakluman rasmi daripada Yang di-Pertua Dewan Rakyat berhubung dengan **pengisytiharan pembubaran Parlimen penggal yang ke-14** oleh Seri Paduka Baginda Yang di-Pertuan Agong pada **11 Oktober 2022**.
2. SPR juga telah menerima surat pemakluman berhubung pembubaran **Dewan Undangan Negeri/Dewan Negeri (DUN) Yang Ke-14** bagi tiga (3) negeri iaitu Pahang dan Perlis bertarikh **14 Oktober 2022 (Jumaat)**, serta **Perak bertarikh 17 Oktober 2022 (Isnin)** daripada YB Speaker DUN masing-masing.
3. Seterusnya pemakluman rasmi juga telah diterima daripada YB Speaker DUN Sabah setelah **Proklamasi Darurat (No.3)**, dan **Ordinan Darurat (Kuasa-Kuasa Perlu) (No.3)** dibatalkan, mengenai kekosongan bagi Bahagian Pilihan Raya Negeri N.66 Bugaya, Sabah pada **12 Oktober 2022 (Rabu)**.

4. Sehubungan itu, SPR telah mengadakan Mesyuarat Khas pada hari ini dan memutuskan satu PRU Ke-15 hendaklah diadakan bagi mengisi kekosongan **222 kerusi Dewan Rakyat**, serta **42 kerusi Dewan Negeri Pahang**, **15 kerusi Dewan Undangan Negeri Perlis**, dan **59 kerusi Dewan Negeri Perak**. Pada masa yang sama, **PRK DUN N.66 Bugaya, Sabah** juga akan diadakan serentak bagi mengisi kekosongan kerusi tersebut.
5. Bagi maksud menjalankan PRU ke-15 dan PRK DUN N.66 Bugaya, Sabah, SPR telah menetapkan tarikh-tarikh penting seperti yang berikut:

<b>Tarikh Keluar Writ</b>	<b>: 20 Oktober 2022 (Khamis)</b>
<b>Hari Penamaan Calon</b>	<b>: 5 November 2022 (Sabtu)</b>
<b>Hari Mengundi Awal</b>	<b>: 15 November 2022 (Selasa)</b>
<b>Hari Mengundi</b>	<b>: 19 November 2022 (Sabtu)</b>

6. Tempoh berkempen ditetapkan **14 hari** bermula selepas pengisytiharan calon-calon yang bertanding pada **5 November 2022 (Sabtu)** sehingga pukul **11.59 malam, 18 November 2022 (Jumaat)**.
7. Urusan permohonan semua kategori undi pos luar negara dan dalam negara telah dibuka bermula daripada **10 Oktober 2022 (Isnin)** untuk PRU Ke-15 dan daripada **13 Oktober 2022 (Khamis)** bagi PRK DUN N.66 Bugaya, Sabah. Manakala tarikh tutup permohonan adalah seperti berikut:

Bil.	Kategori	Tarikh Tutup
1	<b>1A</b> (Petugas Pilihan Raya, Ahli/Pegawai SPR, Anggota Polis, Anggota Tentera, dan Petugas Media)	<b>2 November 2022 (Rabu)</b>
2	<b>1B</b> (warganegara Malaysia yang berada di luar negara)	<b>23 Oktober 2022 (Ahad)</b>
3	<b>1C</b> (Agensi / Organisasi)	<b>26 Oktober 2022 (Rabu)</b>

8. Permohonan undi pos untuk **kategori 1B (warganegara Malaysia yang berada di luar negara) dan Kategori 1C Agensi / Organisasi** dilaksanakan secara dalam talian (*online*).
  
9. Bagi menjalankan proses PRU Ke-15 dan PRK DUN N.66, Sabah, SPR telah melantik **222 orang Pegawai Pengurus Pilihan Raya** dibantu oleh **1,264 orang Penolong Pegawai Pengurus**. Manakala bagi tujuan memantau aktiviti kempen pilihan raya sepanjang tempoh rasmi berkempen, SPR akan menubuhkan **625 Pasukan Penguin Kuasa Kempen Pilihan Raya (PP-KPR)** yang turut dianggotai oleh wakil-wakil daripada pihak Polis Diraja Malaysia (PDRM), Pihak Berkuasa Tempatan (PBT) dan wakil-wakil calon yang bertanding.

10. Bagi maksud PRU Ke-15 dan PRK DUN N.66, Sabah sebanyak **222 Pusat Penamaan Calon (PPC) dan 222 Pusat Penjumlahan Rasmi Undi (PPRU)** akan digunakan.
11. Untuk memudahkan proses penamaan calon, SPR menyeru kepada bakal-bakal calon yang ingin bertanding dalam PRU Ke-15 dan PRK DUN N.66, Sabah agar mengisi dan membuat semakan awal pengisian borang tersebut dengan Pejabat Pegawai Pengurus atau Pejabat Pilihan Raya Negeri seluruh negara sebelum Hari Penamaan Calon. Selain itu, bakal-bakal calon juga adalah digalakkan untuk membuat pembayaran deposit lebih awal. Ini bertujuan untuk memastikan semua proses penamaan calon dapat diselesaikan lebih awal dan berjalan lancar.
12. Walau bagaimanapun, adalah diingatkan bahawa Kertas Penamaan Calon yang telah lengkap diisi dan disemak oleh Pejabat Pegawai Pengurus itu hendaklah dikemukakan oleh calon atau penyokong atau pencadangnya semasa Hari Penamaan Calon di Pusat Penamaan Calon yang telah ditetapkan oleh SPR.
13. SPR akan meneruskan penyiaran secara langsung proses-proses pilihan raya menerusi live streaming bagi Pusat/Saluran Mengundi yang terpilih di laman *Facebook* SPR sebagaimana yang dilaksanakan pada pilihan raya sebelum ini.
14. Seramai **363,515 orang petugas** akan dilantik bagi mengendalikan proses PRU Ke-15 dan PRK DUN N.66, Sabah. Manakala, sebanyak **8,958 buah pusat mengundi biasa** yang mengandungi **38,348 tempat mengundi/saluran** dan **578 pusat**

**mengundi awal bagi pengundian yang mengandungi 970 tempat mengundi/saluran awal akan digunakan. Keseluruhan jumlah pusat mengundi adalah sebanyak 9,536 buah dengan 39,318 tempat mengundi/saluran.** PRU Ke-15 dan PRK DUN N.66, Sabah ini dianggarkan memerlukan peruntukan sebanyak **RM1.01 bilion.**

15. **Daftar Pemilih Pilihan Raya (DPPR)** yang akan digunakan untuk PRU Ke-15 dan PRK DUN N.66 Bugaya, Sabah adalah daftar pemilih terkini sehingga **Daftar Pemilih Tambahan Bulan Ogos 2022 yang dikemaskini sehingga 9 Oktober 2022.** DPPR bagi PRU Ke-15 ini mengandungi **seramai 21,173,638 orang pemilih** yang terdiri daripada **20,905,366 orang pengundi biasa, 146,737 orang tentera serta pasangan, 118,794 orang polis serta pasangan Polis Pasukan Gerakan Am (PGA) dan 2,741 orang Pengundi Tidak Hadir Luar Negara.** DPPR bagi PRU Ke-15 dijadualkan akan mula dijual pada **31 Oktober 2022 (Isnin).**
16. Para pengundi boleh membuat **semakan maklumat pengundian** untuk mengetahui maklumat **pusat mengundi, saluran mengundi dan nombor bilangan** mereka melalui portal semakan di pautan <https://mysprsemak.spr.gov.my> atau **hubungi Hotline SPR di talian 03-88927018 / 03-88880040** atau melalui **aplikasi MySPR Semak.** Semakan boleh dibuat mulai **31 Oktober 2022 (Isnin).**
17. SPR turut menawarkan kepada mana-mana agensi Kerajaan, Pertubuhan Bukan Kerajaan (NGO), mana-mana badan yang berminat untuk menjadi pemerhati pilihan raya bagi melihat

perjalanan proses PRU Ke-15 bermula pada hari penamaan calon sehingga keputusan pilihan raya diumumkan. Mereka dibenarkan untuk membuat pemerhatian seperti di pusat penamaan calon, pusat-pusat mengundi, tempat pengiraan undi dan pusat penjumlahan rasmi undi serta perlu mematuhi kesemua syarat-syarat pelantikan yang telah ditetapkan oleh SPR.

18. Permohonan untuk menjadi Pemerhati Pilihan Raya telah **dibuka pada 11 Oktober 2022 dan ditutup pada 21 Oktober 2022**. Permohonan masih boleh dikemukakan kepada SPR melalui e-mel [pemerhati@spr.gov.my](mailto:pemerhati@spr.gov.my). Untuk maklumat lanjut, sila layari <https://www.spr.gov.my>.
19. Bagi menggalakkan pengundi supaya keluar menunaikan tanggungjawab mereka pada hari mengundi, SPR akan melaksanakan kempen `**Jom Kita Undi**` melalui pelbagai saluran media termasuk di media elektronik, media sosial, hebahan melalui siar raya dan pemasangan kain rentang di lokasi-lokasi strategik tumpuan awam dan tempat-tempat lain yang bersesuaian.

Sekian dan terima kasih.

**TAN SRI ABDUL GHANI SALLEH**  
Pengerusi  
Suruhanjaya Pilihan Raya Malaysia  
20 Oktober 2022 / 23 Rabiulawal 1444H